



Йохана бичсн һурвдгч бичг

Нүр үг

Йохана һурвдгч бичгиг көгшө чонжин һардач Гайд бичж. Гайиг христианмудт дөн болснднь тер магтад, Детреп гидг күүнэс саглтха гижэнэ.

Учр-утхин зура

Нүр үг 1–4

Гайиг магтлін 5–8

Детрепиг бурушалін 9–10

Деметриг буульлін 11–12

Товчліг үг 13–15

Менделлін

1 Хәэртә үр Гай! Би чонжин ахлачин негнъв. Халун менд чамд илгәжәнәв. Би үнн седкләрн чамд дуртав. ²Хәэртә үр! Чи санан-седкләрн сән-сәәхн бәәнәч. Тиим кевәр жирһілчн сән-сәәхн болтха гијч чамаг оньдин эрүл-менд бәәтхә гијч зальвржанав. ³Чи оньдин Бурхна үн дахж бәәдг кевәрн ода Бурхна үнәр бәәдгинь соңсад ик байрта бәәнәв. Эн зәңг нанд иржәх ахнр-дүүнр авч ирлә. ⁴Мини нилчәр Христост иткен үрдүм Бурхна үнниг дахж бәәдгинь соңсхла, би йир икәр байрлнав. Тер байрас даву байр нанд уга.

Йохан Гайиг магтжана

⁵Хәэртә үр! Кемр чи ахнр-дүүнрт, онц кевәр зуульч улст нөқд болжахла тернъ чик. ⁶⁻⁷Чини хәәрлтин тускар тедн энд чонжин өмн келсн билә. Тер ахнр-дүүнрчн Христосин тускар ном цә-әліжәнә, тедн буру номта улсас дөн авхш. Тер учтар, буйн

болтха, цаарандны йовх хаалгын Бурхнд таастаар теднд дэкэд нөкд боловч.⁸ Теднлэх хамдан көдлхин төлө бидн тиим улст нөкд болх зөвтэвидн.

Йохан Детрепиг гемшэжэнэ, Деметриг магтжана

⁹ Би тана чонжд нег бичг бичлэв. Зуг өмтиг нойлхдан дурта Детреп мини бичсн юмиж керглишго.¹⁰ Детреп намаг оньдин му келнэ, мини тускар худл, хов зөөнэ. Эннь цугнь биш. Дэкэд болхла, холас ирсн ахир-дүүнриг тосж нөкд болхш. Теднд нөкд болхар седсн улст харш болад, чонжас көөнэ. Ирхлэрн би тे-рүнд эн хар үүлмүдин тускар илдкж келхв.¹¹ Хээртэ үр! Му кедг өмтиг дурааж тиим юм бичэ ке. Зуг сэ кедг улсиг дурааж теднэс үлгүр ав. Сэ кедг күн Бурхна күн болна. Му кедг күн Бурхиг үзэд уга.¹² Цунаар Деметрин тускар сэ келнэ. Үнн бийн энүг үзүлнэ. Би эврэн Деметрсин тускар сэ келнэв. Мини үгмүдиг чикинь чи меднэч.

Бичгин сүл үгмүð

¹³ Би дала үг чамд келхэр бээлэв. Зуг цугинь хулсан үзгэр болн бекэр бичхэр седжэхшв.¹⁴ Удл уга чамла чирэхэрн харгад, үзлцэд күүнхв гиж нээлжэнэв.¹⁵ Санан-седклчн амр таварн бээх болтха! Энд бээсн үүрмүдчин чамд менд илгэжэнэ. Хажудан бээсн үүрмүдтэн нанас менд кел!